

تاریخ عثمانی انجمنی

۱ نیان
۱۳۳۱

پنجمی سنه
نومرو ۳۱

مجموعه سی

و ثائق سیاسی و تاریخیه دن :

بلغراد قلعه سنك صربلویه ترکی حقنده بروثقه

جناب خداوندکار غازیك برنجی قوصوه ملحمه عظیمه سی عثمانیلرله اسلاولر وبالخاصه صربلردن هانکیسنك بالقان شبه جزیره سنده احراز حاکمیت ایده جگنی تعیین ایلدیکی کبی بلغراد قلعه سنك فتحی ایلهمذکور شبه جزیره نك عثمانیلر جانبندن استیلاسی اتمام ایدلش ایدی . بلغراد اوزون مدت عثمانیلر النده قالدی . خیلی مدت « دارالجهاد » نامیله یاد اولندی؛ برچوق حادثات حربیه نك میدانی اولدی . بلغراد قلعه سنك صربلویه ترکیه دائر آتیده کی وثیقه پارس معاهده سندن صوکره دولت علیه نك روش سیاستنده حاصل اولان جریانك اسباب و کنتی دخی محتویدر .

اشبو وثیقه مجلس مخصوص وکلا مضبطه سیله تذکره معروضه و شرفصادر اولان اراده سنیه بی مبلغ تذکره خصوصیه دن مرکبدر . طبع و نشرده اساس اتحاد اولنان نسخه جودت باشا زاده علی سداد بك مرحومك کتابلردن انجمن کتبخانه سی ایچون مایعه اولنانلر آرهنده ظهور ایتشدر . پک بیوک قطعه ده اولق اوزره پیش ییحق صحیفه در . رقمه خط ایله استساخ ایدلش ، قابنك اوزرینه وایلك صحیفه سنه جودت باشا مرحومك قلیله عائد اولدینی خصوص اشارت اولنشدر .

عارف

صرب بکی طرفندن مقدمجه وارد اولوب بالتزجه میانه عاجزانه مزده قرائت اولنان بر قطعه مکتوبك خلاصه مآلده صربستانده کائن قلاع خاقانیه نك وبالخاصه بلغراد قلعه سنك شو حاله بقاری صرب ملتته عدم امنیت و بنابرین مملکتک ترقی راحت و معیوریتنه نمانتی مستلزم اولمقده

اولدیفندن بونلرک محوی و یاخود ترکی کرک ملتیه و کرک کندوسنه ابدی اونودولیه جق برمنت و عنایت اوله جنی و دولت علیه اولان روابط تابعیت و صداقتلری بر صورت صحیحده تا کد و تقرر ایلیه جکی بیان و اشعار اولنیش اولمسیله اقتضای مصلحت عربض و عمیق لدی الملاحظه بومسئله مهمده اتخاذ اولنه جق قرارک کیفیت و جنسی یعنی میخال بکک تکلیفک کلاً ردی و یا قبولی و یاخود بعض مرتبه تعدیلنه چالیشلمسی دول اوروپانک احوال حاضره لرینک و بوبابده اولان افکار و مطالعه لرینک کلاً ردی تقدیرنده انلردن دولت علیه معین بولنوب بولنیه جقک و بولنه من و صربلورک قلاع مرقومه یه مظنون بلکه مجزوم اولان سؤ قصددلری وقوع بولور ایسه سلطنت سنیه نک یالکیزجه صربلورلی تأدیب و تربیه ده مختار اوله بیلوب اوله میه جقک و اول حالده کوزه آلدیرلمسی لازم کله جک عاذیر و مهالکک و بوقلاعک دولت علیه نک محافظه ممالککنجه نه درجه یه قدر فائده مادیه سی اوله بیله جکنک و فائده اولدینی صورته او دخی نه مرتبه ده خطر و فداکارلنی دیه جکنک و محو و یاخود ترکرلنده اولان مضرات داخلیه نک و ملحوظ بولنان فوائدک بالاطراف تبیین ایتمسینه منوط کورندیکندن صدد بحث اولا اوروپانک حال حاضرینسه و دول معظمه نک هر برینک روش بولنیه نه انتقال ایتدیرلشدیر

شویله که بیاندن مستغنی اولدینی وجهله بر قاج سنده و باخصوص اوستریا و پروسیا دولتلری بینده سرزده حدوث اولان محاربه اخیرده دن برو اصول بولنیه بتون بتون قارشمش اولمقله انکلتزه دولتی نظامات داخلیه سنده بر طاقم تغیرات ایله مشغول و امریقادن مجتنب اوله رق کندوسنه طوغریدن طوغری یه طوقمیان امور بولنیه یه مداخله دن فوق الغایه محترز اولوب و فرانسه دولتی ایسه ایتالیا و آلمانیا و مکسیقا ایشلرلنده اتخاذ ایتمش بولندینی اصول و مسسلکک حسن نتیجه سی کوره میوب هر برنده حساب و مأمولکک عکسی ظهور ایتمسندن طولای داخله و خارجاً مشکلات

ایچنده بولنوب اوستریا دولتنک دوچار اولدینی هزیمت کلیه کندوسنی امورخارجیه به صورت مؤثره ده سوزقارشدر مقدر الطبع منع وتمطیل ایدوب و بروسیا وایتالیا دولتری دخی من غیر مأمول از وقت ظرقنده نائل اولدقلری فوآئد عظیمه نك الحاله هذه هضم وتنظیمی ایله اوغراشوب روسیه دولتی دخی هرته قدر امورمالیه وداخلیه جه بریوک رقاء وراحتده دکل ایسه ده لهستان وچرکستان غائله لرینی بتورمش اولدیفندن کرك اورالردن وکرك دول معظمه اوروپانك احوال مشروحه لرندن ناشی کندوسنه فعلاً مانع اوله میه جقلرندن امین اوله رق نظر دقت ومساعی وهمتی من القدیم مطمح انظار حرص وآزی اولان و محاربه اخیره ده ضایع ایتدیکی نفوس وناموسنی اکال ایچون غندنه برقاندها مهم عد اولنان مسئله شرقیه یعنی دولت علیه بی اضرار تداییرینه حصروتحصیص ایلیوب اشبو قلاع ماده سندن طولانی صربلولری وکرید ترحاله ویا نیه ایچون یونانیلری وبرچوق سفطات ایله سائر تبعه عیسویه بی تحریرکدن وبونلرک ایدئی مظالم اسلامیه ده اسیر وزبون اولدقلری اراجقیله اذهان انامی اعصاب و تنلیطن خالی اولما مقده در

ایشته اوروبا دولترینک الیوم بولندقلری وکوستردکلی احوال وکیفیاتک خلاصه الخلاصه سی شومرکزده اولوب بودخی هرکون وهرشیده مشهود اولان اثار جلیه سیله مبرهن ومثبت اولدیفندن ده ازیاده تفصیله محتاج دکلدر

دول معظمه نك صربلولرک اشبو استدعاسی حقنده اولان افکار وارالری بمحتنه کلنجه فرانسه دولتی اوتهدنبری قلاع مبحوث غنه نك دولت علیه حقیقه لزومی اولدیفندن وبویله قالملری صربلولرک تباعد وتوحشنی وبناء علیه درلو مفاسده ابتدالینی موجب اولمقده اولدیفندن بمحتله ترکلری محسناتی داعی اوله جغنی بیسان ایده کلش وبودفعه فرانسه سفیرینک دولتی طرفندن مأموراً واقع اولان افاداتی یته بووادیده اولمنله

برابر شمدی ایشك اولكندن زیاده كسب اهمیت ایتش اولدینی وبدخواهان دولت علیه نك قورمش اولد قاری طولاب فساد بك ایلرولش اولدیفندن ایلرولشی بك قرائلق کورمکده ومیدانده اولان یاره لرهر نه صورتله اولورایسه اولسون سرباعاً قیادلزایسه تشیج ایدم جکی واعضای سائرده دخی سرایت ایدرك خدا نکرده صکره اوکی التیق محال اوله جنی عندلرنده محقق بولدینی وبومخاطرات محققه یی منع ودولت علیه نك تمامیت ملکیه نك محافظه سی فرانسه وانکلتزه دولتری تکرار بر محاربه عظیمه یی اختیار ایله سلطنت سنیه به فعلاً معاونت ایتلرینه منوط اولوب بوا یسه بروجه قابل اوله میه جنی دخی علاؤه نصایح اولنمش وبری طرفدن قلاع مرقومه نك دولت علیه جه مادی ومعنوی درکار اولان اهمیتی وصر بلولرك حقسیرلنی وبونازك ترکی پارس معاهده سنه دخی موافق اولیه جنی یولنده ایراد اولنان براهین واجوبه طویلله یی تماماً رد ایتیوب وبرجوغنی تسلیم ایدوب مع مافیه شمدیکی خالده مقتضای روش جهان اوله رق دولت علیه دخی عظیم قورطونه به طولش برسینه حکمنده اولنله لیمان سلامتی بولق ایچون دیرك کسک وبوك اتمق کبی بعض فدا کارلقاره مجبوریت میدانده ایدوکی وصر بلولرك اقرارلرینه باصیلوبده استدعاری اسعاف اولنور ایسه یونانیلرله مربوط اولان رشته اتحادلری قیرلش وروسیه لولرك تحریکاتی ثمره سز براغلمش اوله جنی یوللو مقابله اولنمقده در

انکلتزه دولتی وبوراده اولان سفیری دخی عینله بولسان ومطالعده اولوب حتی انلرك جزم ویتیلرینه کوره دخی احوال حاضره نك خطر وتهلکسی پک بیوک وعاجل اولدیفندن ایشك بر آن اول بتورلمسی کمال اهمیتله اخطار و تکرار دن خالی اولمامقده درلر

آوستریا دولتی مقدملرده بو قلعه لرك طوغریدن طوغری به دولت علیه اداره و ضبطنده بولمنسی مروج و صر بلولره ترکنه مخالف ایکن بوکره او دخی تحویل افکار ایدوب کندوسی دولت علیه نك کماکان

خبرخواه و بقاجوی اولدینی مقدمه سیله صربلوره جواب رد اعطاسنده ایجاب حکم زمان اوله رق کورمکده اولدینی محاذیر کلیه بی درمیان واختیار اخف شرین حکمنه اتباعاً موافقت اولتمسک اشد لزومی اتیان ایلکده در

بروسیا و ایتالیا دولتری بالطبع دیگر لرینک رأینی مصدق اولوب روسیه دولتی صرب بکنک شواستدعاسنک بوندن اقدم زیاده سیله مروجی بلکه موجدی بولندینی حالده الحاقه هذه بعض ظن و تخینه کوره ممالک دولت علیه ده بمقوله مسائل معلقه نك دوا می کند و سنجه حصول مرهمه دها زیاده مدار اوله جتنی و صربلور ارضا اولندقلری صورته لندن بریوک الت و سر رشته قاجیره جتنی تفکر ایلندن ناشی بوکونلرده شومسئله حقنده تماماً سکوت ایتکده در

شوافادات و ایضا احادن دخی مستبان اولدینی اوزره مستدعیات صربیه بی کلیاً رد شقنده دول ضامنه نك هیچ برندن دولت علیه به قوی و فعلی ذره قدر بر معاونت بولنه میه جنی کابیننی تحقق و تبیین ایتشدرد بنام علیه نوبت بحث بعدالرد صربلور لک قلع لره سؤ قصدلری وقوع بولدقده سلطنت سنیه نك بونلری یالکزجه تأدیب و تنکیله مخنار اوله بیلوب اوله میه جنی مسئله سنه کلوب صربلور برخیلی سنه لر دنبرو بر جوق تدارکاتده بولنه رق الیوم یوز بیکه قریب عساکر نظامیه وردیفه چیقارمغه مقتدر اولدقلرندن بشقه دولت علیه علیه بر حرکت عصیانیه قالقشدقلری انده یونانیلر و قره طاغلور و بوسنه خرسقیانلری واحتمالکه بلغارستانک بر جوق لرلی اهاالیسی ایله دخی اتفاق ایدم جکلرندن بوکا قارشو سلطنت سنیه نك دخی تدارکات کلیه به تثبیت ایتمی الزم اولوب اگرچه جناب حق عمر وشوکت ملوکانه لرینی روز افزون بیورسون ولی نعمت بچتمنز پادشاهمز افندمز حضرتلرینک مسلم عالیمان و مفخر اصداقای بندگان اولان علوهمت و کمال حیت خلافتاری و ملت اسلامیه نك

غیرت و صداقتی اقتضاسنجه و یاری عون و عنایت باری ایله بونلرک جمله سنه
مقابله اولنق و حدلری بیلدیرلک مع التکلف قابل اولنقله مصلحتک
مشکلاتی بونده اولیوب اصل کوچلک صربلور قلاعه سؤ قصدا یدوب الدقلری
تقدیرده لاجل الاسترداد صربستانه عسکر ادخال اولنق امر طیبی اوله جنی
و اشته اولوقت بتون دولتلر یکزبان اتحاد اوله رق بز سزه بومصلحتک
صلحاً و طائلیقله بتورلمسنى و بتوره هن ایسه کز ایشک فایه واره جتنی
و صربلورک طورده مه جتنی بالا طراف و مکرراً اخطار ایتشیدک سز
نصایحمنی اصفا ایلدیکز صربلورده مجبوراً شوحر کتده بولندیلر و قلاعی
الدیرلر شدی سزک صربستانه عسکر سوقیله خرسیتیان قانی دوککه کزه
بروجهله راضی دکاز دیه جکلر نده قطعاً اشتباه اولمدینی مثللو روسیه دولتنک
مثلاً اناطولی طرفدن بر عسکر کورنشی ایدهرک حالی دها زیاده خطرناک
ایتمی دخی ملحوظ و قلعہ لر الله ایتسون بویله بر صورتله ید اغیاره
کچوبده دولت علیه استخلاصنه مقتدر اوله مدینی کبی یالکز صربستانک
رابطه تابصتته دکل بتون روم ایلیده حکومت سنیه به وهن کلی کله جکندن
فضله حل مسئله شرقیه ایچون دیهرک مکالمه مجلسلری عقد اوانوب
صربستانی و یونانی توسیع و صربک استقلالنی اکمال ایلیمه جکلری دخی
کورینان امارات و علایمدن و ایشیدیلن سوزلردن منفعهم بولمشدر یکن
سنه مملکتینه عسکر کوندرلمسنه دولنارک بمضیی موافق و برطانی
مخالف اولدقلرندن مخالفلرک سوزلرینه باقلیموبده عسکرک ادخال حسب الوقت
تجویز اولنه مامش ایکن بتون دوله قارشو و شونازک و تنک و قتده
صربستانه سوق جیوش حیرتده عقل و هوش برحالت کورینور

قلاع موجوده نك دولت علیه نك محافظه ملکیه سنجه نه درجه به
قدر فائده مادیه سی اوله بیله جکی قضیه سی لدی التدقیق بونلر بلغراد
و فتح اسلام و بو کورتلن و سمندرده دن عبارت اولوب ایچلر نده قلعیه
بکزر یالکز بلغراد استحکاماتی اولمسیله دیکرلری الک ضعیف بردشمنه

بش کون طایانه جق اقتدار وهیئنده اولدینی وبلغراد قلعه سی دخی الیوم
متخذ اولان اصول استحکامیه به موافق اولدیقندن و خارجنده و صربلو
النسده دروتنی کله ایله بتورمکه صالح حواله لر اولدینی کبی طونه جهتی
دخی ضعیف بولدیقندن نه خارجدن کله جک ونه صربلوردن ظهور
ایده جک دشمنه لایقيله مقاومت ایده میه جکی و صربستان دشمن ایکن
اوله برنقطه مفرزده بولنان قلعه نك محافظه ممالك سائریه اصلا مدار
وفائده سی اوله میوب الحاصل قلاع مرقومه نك دروننده اولان عساکر
مستحفظه به برنوع محبس حکمنده اولدینی ارباب وقوفدن اولان ذوات
موقوفه نك تقریر و اخبار لریله دخی اکلاشلمش وینارین بونلرک بالاده
بر تفصیل تمداد و تذکار اولنان خطر و تهلک کی کوزه آلمنی دیه جک فائده
مادیه لری اولدینی ثبوت بولمدر

قلاع مرقومه نك صربلورک استدعاری موجبنجه محو و یا خود ترک
اولمدرنده اولان مضرات داخلیه و ملحوظ بولنان فوائد ماده لری در میان
اولندقدمه اگرچه اشبو قلعه لرک شمدی برکونه اهمیت مادیه ملکیه سی
یوق ایسه ده اوائله و صربستان کافه دولت علیه نك طوغربدن طوغری به
تحت حکم و ضبطنده بولدینی زمانلرده بوقدر امکدر صرف اولنهرق
وقائلر دو کبله لرک بالدفیات ضبط و تسخیر اولنمش اولدقارندن برنوع الدن
جیقارلرلی و خصوصیه میخال بک امارته ابتدای مأموریتندبرو دولت
علیه یی خشنود و تأمین ایلیه جک برطور و حرکتده بولنماش اولمسیله
انک استدعاسنه مساعدده اولنمش حقیقه موجب اسف عظیم اولدینی
و صربلورک انظار اهالیده بعض مرتبه تراید نفوذ لری استلزام ایده جکی
والحاصل سلطنت سنیجه شوبله بر فدا کارلنک اولور اولز محذور خفیف
قارشوسنده و یا خود بمض ظنون و اوهام اوزرینه اختیارنی هیچ بر عقل
وحیت تجویز ایتیوب انجق ترجیح اهوین ضررین قاعده سیله قبول
اولنه بیله جکی و شوقدر که اوستریا دولتنک یدی سکر یوز بیک عسکرله

چونکه طور و شمش و اینالیایه غلبه دخی ایلمشیکن نیجه ملیونلرله وجوده کلتش و دنیانک برنجی درجه ده استحکاماتندن معدود بولنش اولان قلاع اربعه بی ووندیک ایالتی ترک ایتمسه قیاساً بک اخف اوله جنی درکار اولوب اشبو فدا کارلقدن ملحوظ بولسان فوائد دخی صربلورک ددیش ایلدکلری رجا و نیازلری قبول بیورلمسندن طولانی کندولرینک بمنون و متشکر اولمرندن ولوقلباً و صحیحاً استقامت و صداقت نیتده اولمه لر بیله مملکتین اداره حاضره سی مثللو برآز مدت اولسون اخلاص و سکونت اوزره بولمرندن و بعدازین کندو امور و احتیاجات داخله لرینه دأر شکایت و حامیاری اولان دولتری توسطه هیچ بر سر رشته لری اوله میوب اگر برکونه فنانله جرأت ایده جک اولورلر ایسه دائرة امتیازلرینک خارجنده اوله رق تجاوزی حرکت ایتمش اوله جقلری جهته دولت علیه نک دفع مضرات متجاوزمه لری حقنده اتخاذ ایده جکی تدایره خارجک تمراضه حق قالماسندن و شوارالقدمه یونانیلره بک بیوک مدار جسارت اولان صرب اتفاقک مملکتین اتفاق مثللو اللرندن النوب کندولری بتون بتون یالکز براغلمسندن و بروجه محرر روسیه یولتیقه سنک برباشلی قوتی ابطال ایلمش اولمسندن و صربستانک دولت علیه یه اولان رابطه تابعیتی محافظه قلمسندن عبارتدر

یوقاریدن بری شرح و تفصیل اولان حالات و کیفیاته نظراً اشبو مسئله ده رد قطعی طرفه کیدلنک امکان وطریق بالاتفاق بولنه مامش اولدیفندن ذهن قاصر عاجزانه لرمن بالنسبه محذوری آز اوله جق برتسویه بولنه کیتمکه محبور اولمقین اولبابده جریان ایدن اباحت کثیره نک فذلکسندم آتیده بیان اولنه جق تأمینانه مقابله اولنه جق مساعده شقوق خمسه منحصراً کورینوب بونک بری قلاعه بولنان عساکر حضرت شاهانه و سنجاق کماکان ابقا اولنوب فقط چونکه کندولری بونلرک صربستانده وجودندن اظهار خوف و خشیت ایتمکده اولدقلرندن

وصرب یکی دخی ذات شوکتسمات حضرت بادشاهینک تبعه لرندن بولندیغندن
 قلاع نظارت وقومانداسنک اکا تفویضیه برابر بلنراد قلعه سنک شهری
 اخافه ایدن جهتی استحكاماتی کندولرنجه امین اوله جق شکله قومیلرینه
 دخی مآذونیت ویرلسی وایکنجیسی ینه نظارت وقومانداده بکده اواق
 اوزده عساکر مستحفظه نك اسلام وصربلولردن مرکب اولسی واول
 حالده عساکر شاهانه قلعه نك طونه طرفنك وصربلولر شهر جانبك
 حفظنه مأمور نلمسی وقامه یه دوات علیه سنجاغی وصرب بیراغی
 چکلمسی واونجیجیسی قلعه لر کماکان قلاع خاقانیه دن اوله رق قلوب
 فقط محافظه لرینی دولت علیه نك کندی تبعه سندن اولان صرب بکنه
 حواله بیوروب ینه دولت علیه سنجاغنک دیکزیه برابر اقباسی ودردنجیسی
 بونلرک هدمیه یرلرینک ترکی ویشنجیسی اسلحه ومهمات الیه رق قائماً
 صربلولره ترك وتملیکی اولوب صربلولرک هر نه قدر شق اول وثانی یه قانع
 اوله جقلری ومن غیر مأمول شمذیلک قانع اوله لر دخی از وقت ایچنده
 تجدید دعوان کیدو طوره جقلاری بکده امید اوله مسه بیه برکره
 بوتکلیف ودرمیان اولنوبده اصرارلری نه درجه یه قدر کیده جکی
 اکلا نلمقسزین شوفانده ملحوظه نك ضایع ایدلامسی وباخصوص ایکنجی
 وجه که عساکر مستحفظه نك اسلام وصربلودن مرکب اولسیدر بونک
 حصولی حالده اهل اسلام ایله صربلولرک بریده امتزاجی محال اولدیغنی
 جمله یه اکلا تمق ومادامکه دولت علیه نك بوقدر ملیون تبعه مسیحیسی
 واردر وبتون اوروپانک نظر دخی بونلرک اوزرنده در اهل اسلامک
 بوناردن وبونلرک بزلردن اولان وحشت ومباعدت لرینی رفته رفته ازاله یه
 احتیاج جز درکار اولغله بوضورت انظار ناسده اسباب ایناس واستیناسدن معدود
 اولوق منافعنی دخی جامع بولندیغندن احسن تداییر کورنمکله شقین مذکورینک
 بالندریج مبدأ مذاکره اولنسی وبوضورت اوله میوبده شقوق ثلثه باقیه دن
 برینک اختیارینه لزوم کورلدکده قنیشنک ترجیحی ده اوافق مصلحت

اوله جنی دریش ملاحظه اولنوب و بونلرک هر برینک یکدیگره نسبتله فائده
 ومضرتی و ملک و دولتهجه و بولتیقهجه درجه اهمیت و اهونیتی بالا طرف
 سنجیده قسطاس تدقیق و تعمیق قلوب تکرار دین مستغنی اولدینی وجهله
 صربلورلرک در میان ایلدکلی استدا قلاعلک یاخو و هدم اولنورق یرلرینک
 کندولرینه ترکی و یاخو دحال حاضر لریله اعطاسی صورتلرندن عبارت و بونک
 فنیسی اتخاذ اولنسه انلرجه مساوی اوله جنی وارسته قید اشارت اولوب
 دولت علیهجه ایسه ایکیسندده دخی حقوق و تصرفک سقوطنجه برفرق
 اولیوب فقط قلعلرک یقولوبده عرصه لرینک و یرلسی بونلرک ترکنده اولان
 مجبوریت و طولکسندده کوریلن عجزی دها زیاده اعلان و اشاعه دیمک
 و هدمنده مختار ایکن او یوله کیتیبوبده مثلاً ایچلرندده اولان طوب و مهمات
 النورق قلعلرک حال لریله اعطاسی صربلورله برنوع امنیت و مرؤت کوسترملک
 اوله جنی بدیی اولوب انجق بونده دخی قلاع مرقومه رسماً و کاملاً
 الدن جیقمش اوله جفتدن اشبو ایکی وجهدن اخف و اهون بر صورت
 تسویه بولنسه چالشمسی امر طیبی بولنسیله او جنی شقک یعنی قلاع
 مجبوره کماکان قلاع خاقانیه دن و صربستانک امتیازینه داخل اولان اراضی
 دائرہ سی خارجنده قالمق و دولت علیه سنجانغی دخی ابقا اولنق شرطیله
 امر محافظه لرینک صرب بکنک ذاتنه تفویض و احاله سی خصوصنک
 مباحثه کیریشیلوب انک اوزرینه دخی کذران ایدن ابحاث و مذاکراتک
 نتیجه سند قلاع مرقومه نک بو وجهله مستقلاً بکک اداره و محافظه سنه
 حواله سی من جهت ترک مناسنی افاده ایده جکندن بونکله بتون بتون
 و یرلرندده فرق اوله میه جنی و صربلورلرک الن یکوبده دها زیاده قوت
 استحصال ایتلرندن ایسه ییقلملری دها مرجع اوله جنی مطالعه لری وهله
 اولیده خاطر کذار اولوب فقط بومقوله مراد مهمده بر تسویه طریقه
 کیدلکه مجبوریت تحقق ایتدیکی کی قاعده کلیه قابل اجرا کورینان صورت
 تسویه نک اک خفیف و بالنسبه اک ضرر سزینی قبول و اجرا دقیقه سی اوله رق

اشبو مسئله ده مضبوطه بندکانه مزك ابتداړنده على وجه التفصيل عرض
 وبيان اولندينى اوزره صربلورك اورتايه قويدقارى طلبك حسب الوقت
 تماماً رد وجرى قابل و ممكن اوله ميه جفته جزم و يقين حاصل اولديفتدن ناشى
 بالضروره تسويه طرفه كيديلوب انده دىنى اك خيرلو صورتلر برنجى
 وايكنجى شقلر ايسده ظن و تخمين اولندينى وجهله يونلرى صربلور
 قبول ايتدكلرى تقديرده بزبوقدرله اكتفا ايدرز و ايلروسنه كيده ميز
 ديوبده طوردمق محاذير و مخاطرات مشروحيه يى تماميله كوزه الديرمق
 اوله جفتدن يار و اغياره بحق برديه جك براقه جق و مسئوليتى اونه
 طرفه براقه جق و بونكله برابر حقوقه دىنى مهيا امكن از طوقه جق
 بر اوچنجى صورته احتياج دركار اولوب بودنى بالاده تعداد اولسان
 وجوه ثلاثه نك برى اولق لازم كله جكنه و هدم شقى بروجه محرر
 بك زياده اعلان عجز ايله برابر صربلوره بتون بتون اجنبى و دشمن
 معامله سنى متضمن و كلياً اسقاط حقوقى مستلزم اولدينى مثلو
 بلا قيد و شرط حاليه ترك دىنى انواع مخاذيرى مستتبع بولديفته
 و مشروطاً بلك ذاته تفويض محافظه ده اوله دولت عليه نك قلاع
 مرقومه ده اولان حقوق ملكيه سى رسماً صربستانك حدود امتيازينه
 ترك ايدلمش اولماق و هر قدر شمديلرده بوندن استفاده برله اورالره
 يكيدين عساكر اسلاميه قونلى قابل اولمسه بيله بوحق الله اولدقجه
 وقتاً من الاوقات بر فرصت دوشدكده حال سابق اعاده اولنسى قبوسى
 اجيق قالمق ثانياً قلاع خاقانيه نك هدم ايله يرلرى و ياخود هدم ايتمكسز
 هيت موجوده سى صربلوره ترك و تسليم اولندى لاقرديسى ايله بونلرك
 ينه قلاع خاقانيه دن معدود اولدقلى و دولت عليه سنجاغى التنده
 بولندقارى حاله بالكز قومانداسى دولت عليه طرفدن منصوب اولان
 صرب بكنك ذاته تفويض و حواله بيورلدينى شايه سى بيشنده اولان فرق
 عظيم قزانش اولق ثالثاً دولت عليه كرك صربلورك و كرك امثالنك

نیات ومضراتلرینی هر نه قدر بیلور ودفع فساد ومکیدلرینه چالیشور
ایسه ده ظاهرده وضررسز شیرده حقلرنده امنیت کوسترلمسی وکندولرینه
اجنبی کوزیله باقلمامسی وصریستانک دانما ممالک محروسه نك اجزای
متممه سندن واهالیسینک تبعه ممتازة سلطنت سینه دن طوتلمسی قایت مهم
والزم برنکته اولسیله دولت علیه صریستانده اولان قلاعک محافظه سنی
کندی نصب کرده سی اولان صرب بکنه توجیه وتفویض برله صربلوره
برعظیم دلیل امنیت ویرمک وبالفرض صرب بکی بو صورتی دخی عدم
قبول صدندن اولمق لازم کلسه مروج مستدعیاتلری اولان دولتلره
صربلور قلعه لرك محافظه سی اهل اسلام عسکرینه منحصر اولسندن امین
اوله مدقلرندن طولایی شکایت ایتمکده ایدیلر دولت علیه دخی بوشکایتلرینی
استماع ایدرک امر محافظه یی تماماً وکاملاً کندولرینه ویرمور وایجملرنده
کندو عسکرلری اولدینی واداره وقوماندا بکه مفوض بولندینی حلاله
بزم طرفدن برکونه سؤنیت قورقوسی قالورمی وبری جانیدن صرب بکی
ماده سنده بوندن بیوک اثر امنیت واعتماد اولورمی اشته سلطنت سینه
فداکارلنک نهایت مرتبه سنه قدر کتدی وصربلورک حقه مقرون کورینه
بیله جک شکایتلرینک اسبابی تماماً بتدی بونک ایلروسنی طلب واستدعایه
نه انصاف وحقانیتک نه وظائف تابیتک نه تمامیت ملکیه دولت علیه
قاعده سنک تحمیل ونه صریستانک ذره قدر احتیاجی کوریه من وادیسنده
قوی جوابلر ویریه بیلمک کبی وسار کونه محسنات عیدیه اولوب قلاع
مرقومه ولو شو طریقله اولسون صربلورک تحت اداره ومحافظه سینه
ویرلدیکی صورتده امارتک دها زیاده قوتلنمسی ودولت علیه به مضرت
ایتمسی موجب اوله جفی خاطره سنک تذکرده دخی یوقاریده دخی شرح
وبیان اولدینی وجهله بونلرک ایکیکی هیچ استحکام حکمنده اریلوب
نه حالاً ونه موقعاً برایشه یرامیه جقلری متین اوله رق ایجملرنده قلعه به
بکزر بلغراد استحکاماتی اولدینندن اکر دولت علیه نك طونه نك قارشو

طرفه دخی ممالکی اولوبده بوقلمه آره برده بولنسه ویاخود نیش حدودی اوزرنده اواسه صربلورک لدی الاقتضا دولت عاینده استعماله مقتدر اوله جقاری محذوری وارد اولور ایدیه سده حال بویه اولیوب قلاع مزبوره نه صربلورک بروطرفله تجاوزینه قوه الظهر ونه ده سلطنت سنیه نیک صربستانه عسکر ادخال ایده جکی نقطه لره سد وحائل اوله بیلیمک احتمالی اولیوب بونلر بولندقلری محللر اقتضاسنجه بر قوتلوجه هیئده بولنسلر یالکیز اوستریا دولتنک صربستانه تجاوزینی منع ایده بیله جکری وبناء علیه دولت مشارالیه قلباً هدم اولملری طرفنی ارزو ایده جکی و اوستریا دولتنک ممالک محروسه نیک اجزاسندن اولان صربستانه تجاوز ایتمی دولت علیه اعلان حرب ایلمسنه موقوف اولدیفندن اوبله بروقه ده صربلور دولت علیه ایله برلکده اوله رق محاربه ایله جکری وقلاع مبحوئه یینه محافظه تمامیت ملکیه سلطنت سنیه خدمتده قولانلش اوله جنی افکاری اذهان بندکانه مزده کاهی حقها تقرر ایتمشدر الحاصل عساکر مستحفظه اسلامییه نیک ابقاسیله فقط امر نظارت وقوماندانک صرب بکنه ویرلسندن وبوطوتدیریه مدینی تقدیرده عساکر مستحفظه نیک اسلام و صربلو اوله رق مختلط وبرجارده دولت علیه سنجانی و صرب بایراغی مملق اولسندن عبارت اولان برنجی وایکنجی شقار اول امرده تکلیف اولتوب قبول ایتدیریه من ایه عرض وتکلیفی اقتضا ایده جک اوچنجی صورت تسویه مقایسات محوره ومباحثات مشروحیه نظراً شق ثالث اولمق یعنی قلعه لر کماکان قلاع خاقانیه دن اوله رق قالب وبرجلرینه سلطنت سنیه و صرب بایراغی چکیلوب حفظ واداره لرینک صرب بکنک ذاته احاله سیله مستحفظ عسکرینک قالدیرلسی جمله من طرفندن بالاتفاق ترجیح واختیار قلنشدر

اشبو مطالعات رهین تنسیب وتصویب عالی بیورلدینی حالد ایشک برکوزه دجک یری دخی صرب بکندن مظهر اوله جنی مساعد سنیه بمقابله آتی

ایچون بعض تأمینات قویہ استحصال فی قضیہ سی اولوب مثلاً امارت صربیه نیک
سکسان یوز بیک عسکر تدارک ایتمی و واردات نیک برجزه اعظمی مهمات
واسلحه به صرف ایتمی جائز اوله میه جفتدن بونک بر یولنه قونلمی
وبلغرادده برکروه بلغار و بوشناق فسدہ نیک ممالک محروسہ بی افسادہ
یول بولمرینک و صرب غرتہ لرینک دولت علیہ علیہ نشرندن خالی
اولاد قلمری اراجیف و اکاذیبک و دها بونلرہ مماثل قالقارک بعدازین
کلیاً منعیله مکتوبندہ ایراد ایلدیکی تأمینات و توثیقاتک بر صورت
رسمیہ قونلمی و متبوع اعظمی اولان جناب شوکت القاب حضرت
شہنشاہی به تجدید برات صداقت ایللمی ضمنندہ کندوسنک اول باؤل
در سعادتہ کلی لازم کله جکنه بناءً یازیلہ حق جوابنامہ ده مشارالیهک
مناسی وجهله دعوت اولنمی متحداً تذکر و تصویب اولنش ایسه ده اولیابده
و مرحالہ امر فرمان حضرت ولی الامر کدر ۸ شوال سنہ ۸۳

محمد رشدی محمد السید محمد علی محمد تم الرفیق السید محمد امین عالی
محمد کانی خلیل السید محمد رشدی رضا یوسف کامل محمد فؤاد
السید احمد کمال السید عبدالحمید فرید ممتاز

صورت تذکرہ سامیہ

عطوفتو افندم حضرتلری

صربستانده الحاله هذه موجود اولان قلاع اربعه حقندہ صرب
امارتی طرفندن با نحریرات وقوع بولان التماسات اوزرینه بالدفعات منعقد
اولان مجلس مخصوص مشورتک مذاکرات و مطالعاتی شامل تنظیم
و تمهیر اولنان مضبطه منظور معالیم فور حضرت بادشاہی بیورلمق ایچون
عرض و تقدیم قلمش اولقلہ اولیابده و برده ینہ صربستان داخلندہ
واطه قلعه قارشوسندہ کائن قتل تعیر اولنان و درونندہ بش اون نفر

مستحفظ بولتان كوچك قلمه نك ديكرلری عدادینه داخل اوله جفتندن
 انك دخی هدی تذکر اولمغین بودخی هر نه وجهله امر و فرمان
 حقایق عنوان جناب ملوكانه شرفسنوح و صدور بیوریلور ایسه منطوق
 منیفه توفیق حرکت اوله جنی بیانیله تذکره شاورى ترقینه ابتدار قلندی
 افندم
 ۸۳ ل سنه
 م

معروض جا کر کینه لریدرکه

هامه زیب تعظیم و تکریم اولان اشبو تذکره سامیه صدارت پناهیلریله
 ماراللیان مضبطه منظور دقایق موفور جناب شهنشاهی و مال مؤداسی
 بالاطراف معلوم حکمت ملزوم حضرت پادشاهی بیورلشدر مضبطه
 مذکورده بیان اولندی و وجهله برنجی وایکنجی شقارک اول امرده
 بکه بیان و اشعار ایله اوچنجی صورتک متفقاً قبول و تصدیق اولندی
 اکلشلمش اولوب صور محرره ایجاب حاله توفیق افکار ایله ملاحظه
 اولنش ایسه ده جریان ایدن پولتیقه خارجییه حکمنجه و بعضی مطالعه مهمه
 اقتضاسنجه مارالذکر برنجی وایکنجی شقارک بیانندن کلیاً صرف نظرله
 طوغریدن طوغری به اوچنجی صورتک جوابنامه کسطیریله بیان و اشعار
 اولنمی و مذکور كوچك قلمه نك هدمیله خصوصات سارونه نك بر موجب
 مضبطه اجرای مقتضالری متعلق و شرف صدور بیوریلان امر و فرمان
 اسابت عنوان جناب جهاندارى مقتضای جلیلندن اوله رق سالف الیایان
 مضبطه صوب ساسی آصفانه لرینه اعاده و تسیر قلنش اولمغله اولبابده
 امر و فرمان حضرت من له الا کدر
 ۸۴ ل سنه